

Creu'r amserlen gyffredin Cymwysterau FSMQ, TAG a TGAU

Cyflwyniad

Mae cyrff dyfarnu **FSMQ, TAG a TGAU** yn cynhyrchu amserlenni cyffredin, sy'n cwmpasu'r holl bynciau, er budd yr ymgeiswyr a'r canolfannau. Mae'r amserlen gyffredin, a gefnogir gan gyhoeddiad y **CGC Cyfarwyddiadau ar gynnal arholiadau**, yn gweithredu er budd gorau'r ymgeiswyr.

Mae amserlenni cyffredin yn cael eu creu ar gyfer y gyfres arholiadau **TGAU** ym mis Tachwedd a'r gyfres arholiadau **FSMQ, TAG a TGAU** ym mis Mehefin.

Gellir trefnu cydran o arholiad ar unrhyw amser o fewn cyfnod yr amserlen y cytunwyd arni, yn amodol ar y meini prawf sy'n cael eu rhestru ar **dudalennau 4 a 5** y ddogfen hon. **Ni ddylid** tybio y bydd pwnc neu gydran unigol yn cael ei amserlennu ar sail trefniadau hanesyddol.

Mae manylion am ddechrau a diwedd pob cyfres, a phryd bydd canlyniadau'n cael eu cyhoeddi, i'w gweld yn y tabl isod.

	Cyfres	
	Tachwedd 2020	Mehefin 2021
Pryd mae'r gyfres yn dechrau?	Dydd Llun 2 Tachwedd 2020	Dydd Gwener, 14 Mai 2021† †Ar gyfer canolfannau yng Nghymru a Gogledd Iwerddon, bydd hyn o ddydd Mercher 12 Mai 2021 ymlaen.
Pryd mae'r gyfres yn gorffen?	Bydd cyfres mis Tachwedd 2020 yn para am bythefnos	Bydd cyfres mis Mehefin 2021 yn para am saith wythnos ac eithrio hanner tymor Gŵyl y Banc y Gwanwyn
Pryd bydd y canlyniadau'n cael eu rhyddhau i ymgeiswyr?	Dydd Iau 14 Ionawr 2021	Cymwysterau FSMQ a TAG: Dydd Iau 19 Awst 2021 Cymwysterau TGAU: Dydd Iau 26 Awst 2021

Mae gwybodaeth ar sut mae'r amserlen gyffredin yn cael ei chynhyrchu i'w gweld ar **dudalennau 4 a 5**.

Amserlen ar gyfer cyhoeddi amserlenni arholiadau a derbyn adborth gan ganolfannau yn ystod y flwyddyn academiaidd

Cyfres TGAU Tachwedd

Bydd y cyrff dyfarnu'n cyhoeddi amserlenni dros dro ar-lein ar gyfer cyfres arholiadau TGAU Tachwedd y flwyddyn ganlynol erbyn 31 Hydref fan hwyraf.

Rhoddir cyfle i ganolfannau roi sylwadau ar yr amserlen TGAU Tachwedd dros dro.

Mae'n **rhaidd** i sylwadau, arsylwadau neu newidiadau a awgrymir i'r amserlen gyrraedd Swyddfa'r CGC **erbyn 30 Tachwedd fan hwyraf**, i'w hystyried gan Weithgor Amserlen Gyffredin y CGC.

Bydd Gweithgor Amserlen Gyffredin y CGC yn ystyried sylwadau gan ganolfannau'n ofalus.

Bydd yr amserlen gyffredin yn derfynol erbyn 31 Ionawr fan hwyraf. Yna, bydd pob corff dyfarnu'n cyhoeddi ei amserlen derfynol ei hun ar gyfer TGAU Tachwedd erbyn y dyddiad hwn.

Cyfres arholiadau FSMQ, TAG a TGAU Mehefin

Bydd y cyrff dyfarnu'n cyhoeddi amserlenni dros dro ar-lein ar gyfer cyfres arholiadau mis Mehefin y flwyddyn ganlynol erbyn 28 Chwefror fan hwyraf.

Rhoddir cyfle i ganolfannau roi sylwadau ar yr amserlen Mehefin dros dro.

Mae'n **rhaidd** i sylwadau, arsylwadau neu newidiadau a awgrymir i'r amserlen gyrraedd Swyddfa'r CGC **erbyn 30 Ebrill fan hwyraf**, i'w hystyried gan Weithgor Amserlen Gyffredin y CGC.

Bydd Gweithgor Amserlen Gyffredin y CGC yn ystyried sylwadau gan ganolfannau'n ofalus.

Bydd yr amserlen gyffredin yn derfynol erbyn 30 Mehefin fan hwyraf. Yna, bydd pob corff dyfarnu'n cyhoeddi ei amserlen FMSQ, TAG a TGAU Mehefin ei hun erbyn y dyddiad hwn.

Manylion Cyswllt: centresupport@jcq.org.uk

Dyddiadau allweddol

	Cyfres TGAU Tachwedd	Cyfres FSMQ, TAG a TGAU Mehefin
Cyhoeddi amserlen dros dro erbyn:	31 Hydref	28 Chwefror
Derbyn sylwadau gan ganolfannau erbyn:	30 Tachwedd	30 Ebrill
Cyhoeddi amserlen derfynol erbyn:	31 Ionawr	30 Mehefin

Ble mae'r amserlenni'n cael eu cyhoeddi?

Mae pob corff dyfarnu'n cyhoeddi amserlenni arholiadau ar eu gwefan:

www.aqa.org.uk

www.ccea.org.uk

<http://qualifications.pearson.com>

www.ocr.org.uk

www.cbac.co.uk

Bydd Gweithgor Amserlen Gyffredin y CGC yn gweithio i'r rheolau busnes canlynol wrth gynhyrchu'r amserlen gyffredin:

1. Bydd y cyrff dyfarnu i gyd yn cytuno ar slotiau pwnc yn yr amserlen gyffredinol ar gyfer pob **manyleb pwnc FSMQ, TAG a TGAU**. Bydd y slotiau cyffredin hyn yn pennu'r dyddiad a'r sesiwn i'w defnyddio ar gyfer pob cydran arholiad. Mewn rhai achosion, efallai y bydd corff dyfarnu angen slotiau ychwanegol ar gyfer ei bapurau ar gyfer manyleb **FSMQ, TAG neu TGAU** benodol.
2. Wrth benderfynu ar y slotiau pwnc hyn bydd y cyrff dyfarnu'n ystyried cyfuniadau pynciau gan ddefnyddio data ystadegol o gyfresi blaenorol ac adborth gan ganolfannau. **Bydd yr amserlen gyffredin yn nodi trefniadau amserlennu cymwysterau FSMQ, TAG a TGAU er mwyn lleihau'r posibilrwydd o wrthdaro ar yr amserlen.**
3. Bydd y cyrff dyfarnu'n ceisio lleihau'r gwrthdaro ar yr amserlen a phroblemau cynnal ar gyfer canolfannau. Fodd bynnag, o ystyried maint a chymhlethdod yr amserlen gyffredin, bydd gwrthdaro ar yr amserlen yn anochel. Mae canllawiau ar reoli gwrthdaro ar yr amserlen mewn canolfannau i'w gweld yn **adran 7 cyhoeddiad y CGC Cyfarwyddiadau ar gynnal arholiadau** – https://www.cbac.co.uk/ICE%2019-20%20Cymraeg%20-V2.pdf?language_id=2
4. Bydd arholiadau'n cael eu hamserlennu yn ystod amseroedd safonol y tymor ac nid yw'n bosibl cymryd cyfnodau cau ysgolion na cholegau unigol i ystyriaeth. Ni fydd y cyrff dyfarnu'n amserlennu arholiadau ar gyfer penwythnos neu Ŵyl y Banc.
5. Ni fydd pynciau TGAU† craidd yn cael eu hamserlennu ar gyfer y sesiwn prynhawn Gwener cyn yr hanner tymor. Mae hyn er mwyn sicrhau bod cynifer o sgriptiau â phosibl yn cael eu danfon cyn gwyliau'r hanner tymor.
6. Er mwyn adlewyrchu dewisiadau'r canolfannau bydd papurau TAG UG yn cael eu hamserlennu cyn papurau TAG U2 a Safon Uwch.
7. Ni fydd arholiadau TGAU Saesneg Iaith, Llenyddiaeth Saesneg, Mathemateg, Gwyddoniaeth a Chymraeg Iaith yn cael eu hamserlennu gyda'i gilydd yn yr un sesiwn fore neu brynhawn. Ni fydd unrhyw bwnc TGAU arall yn cael ei amserlennu yn erbyn unrhyw un o'r pynciau hyn.
8. Bydd TGAU Saesneg Iaith a TGAU Llenyddiaeth Saesneg yn cael eu hamserlennu mewn wythnosau gwahanol. Bydd yr un egwyddor yn berthnasol i arholiadau TGAU Cymraeg Iaith Gyntaf a TGAU Llenyddiaeth Gymraeg.
9. Ni fydd arholiadau TAG a TGAU leithoedd Tramor Modern gyda chofrestriad mawr, h.y. Ffrangeg, Almaeneg a Sbaeneg, a TGAU Cymraeg Ail Iaith, yn cael eu hamserlennu gyda'i gilydd yn yr un sesiwn.
10. Ni fydd arholiadau TGAU leithoedd Tramor Modern gyda chofrestriad mawr, h.y. Ffrangeg, Almaeneg a Sbaeneg, a TGAU Cymraeg Ail Iaith, yn cael eu hamserlennu ar ddyddiau olynol er mwyn rhoi digon o amser i ymgeiswyr newid o un iaith i'r llall.
11. Er mwyn adlewyrchu dewisiadau'r canolfannau bydd y slotiau dynodedig cyffredin ar gyfer arholiadau TGAU Saesneg Iaith, TGAU Llenyddiaeth Saesneg, TGAU Mathemateg a TGAU Gwyddoniaeth yn cael eu hamserlennu mewn sesiynau bore.
12. Bydd diwrnod olaf yr amserlen gyffredin yn cael ei ddefnyddio at bwrpasau wrth gefn. Mae 'diwrnod wrth gefn' ar yr amserlen gyffredin rhag ofn bod amhariad cenedlaethol neu leol parhaus yn digwydd i arholiadau. Mae'n rhan o gynllunio wrth gefn safonol y cyrff dyfarnu ar gyfer arholiadau ac mae'n gyson â dogfen rheoleiddwyr y cymhwyster *Cynllun wrth gefn system arholiadau: Lloegr, Cymru a Gogledd Iwerddon* – <https://www.cymwysteraucymru.org/cymraeg/gwybodaeth-i-randdeiliaid/schools-and-colleges/guidance-disruption-to-exams/>

†Pynciau craidd TGAU yw TGAU Saesneg Iaith, Llenyddiaeth Saesneg, Ffrangeg, Almaeneg, Daearyddiaeth, Hanes, Mathemateg, Gwyddoniaeth, Sbaeneg, Cymraeg Iaith Gyntaf a Llenyddiaeth Gymraeg.

Wrth gynhyrchu'r amserlen gyffredin bydd Gweithgor Amserlen Gyffredin y CGC yn ceisio:

1. Amserlennu pynciau â chofrestriad mawr cyn gynted â phosibl er mwyn hwyluso marcio ac yn sgil hynny rhyddhau canlyniadau arholiadau'n amserol ac yn gywir;
2. Amserlennu arholiadau TAG UG yn Wythnosau 1-3 yr amserlen ac arholiadau TAG U2 a Safon Uwch yn Wythnosau 2-6 yr amserlen;
3. Amserlennu arholiadau TAG a TGAU leithoedd Tramor Modern â chofrestriad mawr, h.y. Ffrangeg, Almaeneg a Sbaeneg, mewn sesiynau bore;
4. Ystyried gwyliau crefyddol. Fodd bynnag, ni fydd y cyrff dyfarnu'n gallu osgoi amserlennu arholiadau ar ddyddiau o'r fath. Bydd yr amserlen gyffredin yn ystyried Dydd y Cadoediad ym mis Tachwedd.